

Za prekršaj iz člana 25. bit će kažnjeno odgovorno lice u pravnom licu novčanom kaznom od 500 KM do 1.500 KM.

Za prekršaje iz člana 25. stav 1., 3., 6., 7., 8. i 9. bit će kažnjeno fizičko lice novčanom kaznom od 100 KM do 1.000 KM.

Član 26.

Novčanom kaznom od 500 KM do 5.000 KM bit će kažnjeno pravno lice za prekršaj:

- ako pri izgradnji, remontu, sanaciji, rekonstrukciji, promjeni energenta, promjeni namjene ili lokacije, stavljanja van pogona trajno ili na određeno vrijeme, prije početka radova na termoenergetskim postrojenjima, uređajima i posudama pod pritiskom (postrojenja iz člana 9.) ne zatraži i dobije odobrenje termoenergetskog inspektora (člana 13.);
- ako ne koristi i održava termoenergetsko postrojenje, uređaj, posudu pod pritiskom i opremu u skladu sa postojećim zakonima, pravilnicima, uredbama i uputama iz ove oblasti tehničke dokumentacije (član 17. stav 2.);
- ako joj radnici na projektovanju, montaži i rukovanju (eksploataciji) nemaju stručne kvalifikacije, stručne ispite i certifikate za obavljanje poslova u djelatnosti (član 17. stav 3.);
- ako u roku ne obavijesti nadležni organ termoenergetske inspekcije o otklanjanju utvrđenih nedostataka i nepravilnosti (član 20.);
- ako termoenergetskog inspektora onemogućiti ili mu znatno oteža obavljanje inspeksijskog nadzora ili obavljanja radnji inspeksijskog postupka (član 23.);
- ako stavlja u promet pokretne zatvorene sudove za komprimirane i pod pritiskom rastvorene gasove koji nisu atestirani i koji su stariji od 30 godina (član 8.).

Za prekršaj iz člana 26. bit će kažnjeno i odgovorno lice u pravnom licu novčanom kaznom od 100 KM do 500 KM.

Za prekršaj iz člana 26. stav 1., tačka 1, 2, 4. i 5. bit će kažnjeno i fizičko lice novčanom kaznom od 50 KM do 350 KM.

VI. PRELAZNE I ZAVRŠNE ODREDBE

Član 27.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON

SKUPŠTINA

Broj: 02-01-XVI-167/08

Mostar, 12.12.2008. godine

PREDSJEDAVAJUĆI

Ramiz Jelovac, s.r.

462

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona, na sjednici održanoj dana 12.12.2008. godine, je donijela

Z A K O N O IZMJENAMA ZAKONA O JAVNOM OKUPLJANJU

Član 1.

U Zakonu o javnom okupljanju („Službene novine HNK“, broj: 4/00), u članu 7. stav 3. riječi: „djelatnici preduzeća za pružanje zaštitarskih usluga“ zamjenjuju se riječima: „čuvari agencija za zaštitu ljudi i imovine“, a riječ: „preduzeća“ zamjenjuje se riječima: „agencije za zaštitu ljudi i imovine“.

Član 2.

U članu 17. stav 1. riječi: „ili kaznom zatvora do 60 dana“, brišu se.

U članu 17. stav 2. mijenja se i glasi: „Pravno lice za prekršaje iz tačke 1., 2., 3., 4., 6. i 9. kaznit će se novčanom kaznom od 500,00 do 10.000,00 KM, a odgovorno lice u pravnom licu novčanom kaznom od 300,00 do 2.000,00 KM“.

U članu 17. stav 5. riječi: „ili kaznom zatvora do 60 dana“, brišu se.

Član 3.

Član 20. briše se.

Član 4.

Dosadašnji članovi 21. i 22. postaju članovi 20. i 21.

Član 5.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

464

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
S K U P Š T I N A

Broj: 02-01-XVI-198/08
Mostar, 12.12.2008. godine

PREDSJEDAVAJUĆI
Ramiz Jelovac, s.r.

Na osnovu člana 39. Ustava Hercegovačko-neretvanskog kantona („Službene novine Hercegovačko-neretvanskog kantona“, broj 2/98), te člana 36, 79. i 92. Poslovnika o radu Skupštine Hercegovačko-neretvanskog kantona („Službene novine Hercegovačko-neretvanskog kantona“, broj 2/05), Skupština Hercegovačko-neretvanskog kantona na sjednici održanoj dana 12.12.2008. godine, donijela je

463

Na osnovu člana 39. Ustava Hercegovačko-neretvanskog kantona („Službene novine Hercegovačko-neretvanskog kantona“, broj 2/98), te člana 36, 86. i 94. Poslovnika o radu Skupštine Hercegovačko-neretvanskog kantona („Službene novine Hercegovačko-neretvanskog kantona“, broj 2/05), Skupština Hercegovačko-neretvanskog kantona na sjednici održanoj dana 12.12.2008. godine donijela je

O D L U K U
O PRESTANKU MANDATA POSLANIKA U
SKUPŠTINI
HERCEGOVAČKO-NERETVANSKOG
KANTONA

Član 1.

Utvrđuje se prestanak mandata poslanika u Skupštini Hercegovačko-neretvanskog kantona sa danom 07.11.2008. godine i to:

1. Dr. SMILJANU VIDIĆU - HDZ BiH – Hrvatska demokratska zajednica Bosne i Hercegovine

Član 2.

Ova Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-XVI-263/08
Mostar, 12.12.2008. godine

PREDSJEDAVAJUĆI
Ramiz Jelovac, s.r.

O D L U K U

O VERIFIKACIJI MANDATA POSLANIKA U
SKUPŠTINI
HERCEGOVAČKO-NERETVANSKOG
KANTONA

Član 1.

Verifikuje se mandat sljedećem poslaniku u Skupštini Hercegovačko-neretvanskog kantona

1. VLADI ROGIĆU - HDZ BiH – Hrvatska demokratska zajednica Bosne i Hercegovine

Član 2.

Ova Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-XVI-264/08
Mostar, 12.12.2008. godine

PREDSJEDAVAJUĆI
Ramiz Jelovac, s.r.

**MINISTARSTVO UNUTRAŠNJIH
POSLOVA**

502

Na osnovu člana 6. stav 2. i člana 7. stav 8. Zakona o zaštiti od požara ("Službene novine HNK", br. 5/2004), ministar unutrašnjih poslova Hercegovačko-neretvanskog kantona, d o n o s i

PRAVILNIK**O RAZVRSTAVANJU GRAĐEVINA,
GRAĐEVINSKIH DIJELOVA I PROSTORA U
KATEGORIJE UGROŽENOSTI OD POŽARA****Član 1.**

(Predmet)

Ovim Pravilnikom određuju se uslovi, osnovi i kriteriji za razvrstavanje građevina, građevinskih dijelova i prostora (u daljem tekstu: građevine i prostori) u kategorije ugroženosti od požara i najmanji broj vatrogasaca u vatrogasnoj jedinici te zaposlenika zaduženih za poslove zaštite od požara koje moraju imati pravna lica, vlasnici odnosno korisnici građevina ili prostora razvrstanih u kategorije ugroženosti.

Član 2.

(Tehnološka cjelina)

(1) Građevine i prostori koji čine tehnološku cjelinu razvrstavaju se u istu kategoriju ugroženosti od požara.

(2) Iznimno, dio građevine ili prostora zaštićen ili građevinski izveden tako da nema opasnosti od širenja požara na susjedne prostore drugih vlasnika ili korisnika, može se razvrstati u nižu kategoriju od one u koju je razvrstana cjelokupna građevina ili prostor.

Član 3.

(Ugovor o obavljanju poslova zaštite od požara)

Vlasnici ili korisnici građevina i prostora koji na osnovu kategorizacije propisane ovim Pravilnikom moraju imati profesionalnu vatrogasnu jedinicu, mogu u opravdanim slučajevima, na osnovu odgovarajućeg ugovora, takvu obavezu prenijeti na postojeću vatrogasnu jedinicu, profesionalnu vatrogasnu jedinicu u privrednom društvu ili dobrovoljno vatrogasno društvo, uz saglasnost Ministarstva unutrašnjih poslova.

Član 4.

(Kriteriji razvrstavanja građevina i prostora)

(1) Razvrstavanje građevina i prostora u kategorije ugroženosti od požara obavlja se obzirom na vrstu zapaljivih tvari, namjenu građevine i prostora te površinu otvorenog prostora, a temelji se na sljedećim uslovima, osnovama i kriterijima:

- a) instaliranom kapacitetu za proizvodnju ili preradu;
- b) kapacitetu nadzemnih spremnika ili građevina za zapaljive tvari;
- c) broju zaposlenih.

(2) Pod proizvodnjom i preradom, u smislu ovoga Pravilnika, podrazumijeva se i pretakanje zapaljivih tečnosti ili gasova iz spremnika u prevozna sredstva ili obrnuto, za dalji transport ili prevoz.

Član 5.

(Kategorije ugroženosti od požara građevina i prostora)

Građevine i prostori razvrstavaju se u sljedeće kategorije ugroženosti od požara:

- a) U I-A kategoriju razvrstavaju se:

Građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 40 stepeni C ili zapaljivi gasovi, koji ispunjavaju najmanje dva od sljedećih uslova:

- 1) imaju instalirane kapacitete za proizvodnju ili preradu veće od 190 t/d,
- 2) uskladištenje u nadzemnim spremnicima ili građevinama količine veće od 13000 t,
- 3) imaju više od 1200 zaposlenih.

- b) U I-B kategoriju razvrstavaju se:

Građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 40 stepeni C ili zapaljivi gasovi, koji ispunjavaju najmanje dva od sljedećih uslova:

- 1) imaju instalirane kapacitete za proizvodnju ili preradu od 120 do 190 t/d,
- 2) uskladištenje u nadzemnim spremnicima ili građevinama količine od 9000 do 13000 t,
- 3) imaju od 1000 do 1200 zaposlenih.

- c) U I-C kategoriju razvrstavaju se:

a) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 40 stepeni C ili zapaljivi gasovi, koji ispunjavaju najmanje dva od sljedećih uslova:

- 1) imaju instalirane kapacitete za proizvodnju ili preradu od 80 do 120 t/d,

2) uskladištenje u nadzemnim spremnicima ili građevinama količine od 5000 t do 9000 t,

3) imaju od 600 do 1000 zaposlenih.

b) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 65 stepeni C a iznad 40 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu veću od 120 t/d,

2) uskladištenje u nadzemnim spremnicima ili građevinama količine veće od 9000 t,

3) imaju više od 800 zaposlenih.

d) U I-D kategoriju razvrstavaju se:

a) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 40 stepeni C ili zapaljivi gasovi, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu od 40 do 80 t/d,

2) uskladištenje u nadzemnim spremnicima ili građevinama količine od 1000 t do 5000 t,

3) imaju od 200 do 600 zaposlenih.

b) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 65 stepeni C a iznad 40 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu od 70 do 120 t/d,

2) uskladištenje u nadzemnim spremnicima ili građevinama količine do 9000 t,

3) imaju do 600 zaposlenih.

c) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 100 stepeni C a iznad 65 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu veće od 100 t/d,

2) uskladištenje u nadzemnim spremnicima ili građevinama količine veće od 7000 t,

3) imaju više od 600 zaposlenih.

d) građevine ili prostori u kojima se proizvode, prerađuju i uskladištavaju tvari sklone samozapaljenju, otrovne ili nagrizajuće tvari i oksidanti ili tvari koje se mogu zapaliti ili eksplodirati zbog djelovanja vode ili kisika

1) u količinama većim od 5000 t

2) imaju više od 700 zaposlenih,

e) građevine u čijim se pogonima proizvode, prerađuju ili obrađuju krute zapaljive tvari u količinama većim od 200 t/d, pri čemu nastaju eksplozivne smjese gasova, para i prašine te imaju više od 700 zaposlenih.

f) crpna postrojenja ili stanice za tečne tvari s plamištem ispod 40 stepeni C i imaju više od 100 zaposlenih.

g) prostori sa zaštićenom i visokokvalitetnom šumom (nacionalni parkovi i sl.) u mediteranskom i submediteranskom području s površinom većom od 5.000 ha.

h) građevine ili prostori u čijim se pogonima proizvode, prerađuju i uskladištavaju tvari sklone samozapaljenju, otrovne ili nagrizajuće tvari, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu veće od 60 t/d,

2) uskladištenje u nadzemnim spremnicima ili građevinama količine od 3000 do 5000 t,

3) imaju od 400 do 500 zaposlenih.

i) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 200 stepeni C a iznad 100 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu veće od 130 t/d,

2) uskladištenje u nadzemnim spremnicima ili građevinama količine veće od 9000 t,

3) imaju više od 800 zaposlenih.

j) građevine ili prostori u čijim se pogonima proizvode, prerađuju ili obrađuju krute zapaljive tvari i predmeti temperature paljenja ispod 300 stepeni C, u količinama od 140 do 200 t/d, i imaju od 500 do 800 zaposlenih.

k) građevine ili prostori u čijim se pogonima proizvode, prerađuju i uskladištavaju zapaljive vlaknaste tvari, a imaju više od 500 zaposlenih.

l) crpna postrojenja i stanice za tekuće tvari s plamištem ispod 65 stepeni C a iznad 40 stepeni C i imaju više od 100 zaposlenih.

e) U II - A kategoriju razvrstavaju se:

a) građevine ili prostori u kojima se proizvode, prerađuju i uskladištavaju zapaljive

tečnosti s plamištem ispod 40 stepeni C ili zapaljivi gasovi, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu od 20 do 40 t/d,

2) uskladištenje u nadzemnim spremnicima i građevinama količine od 200 do 800 t,

3) imaju od 100 do 200 zaposlenih.

b) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 65 stepeni C a iznad 40 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu od 40 do 70 t/d,

2) uskladištenje u nadzemnim spremnicima ili građevinama količine od 1000 do 4000 t,

3) imaju od 400 do 600 zaposlenih.

c) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 100 stepeni C a iznad 65 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu od 70 do 1000 t/d,

2) uskladištenje u nadzemnim spremnicima ili građevinama količine od 4000 do 7000 t,

3) imaju od 600 do 800 zaposlenih.

d) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 200 stepeni C a iznad 100 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu veće od 70 do 130 t/d,

2) uskladištenje u nadzemnim spremnicima ili građevinama količine od 5000 do 9000 t,

3) imaju više od 500 do 1000 zaposlenih.

e) građevine ili prostori u čijim se pogonima proizvode, prerađuju i uskladištavaju tvari sklone samozapaljenju, otrovne ili nagrizajuće tvari, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu veće od 20 do 40 t/d,

2) uskladištenje u nadzemnim spremnicima ili građevinama količine od 800 do 3000 t,

3) imaju od 300 do 500 zaposlenih.

f) građevine u čijim se pogonima proizvode, prerađuju, obrađuju i uskladištavaju krute tvari i predmeti temperature paljenja ispod 300 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu veće od 80 do 140 t/d,

2) uskladištenje u nadzemnim spremnicima ili građevinama količine od 1000 do 5000 t,

3) imaju od 300 do 500 zaposlenih.

g) građevine u čijim se pogonima obrađuju, prerađuju i uskladištavaju krute zapaljive tvari u količinama od 50 do 100 t/d, a u radu se koriste zapaljive tečnosti s plamištem ispod 65 stepeni C i imaju od 300 do 500 zaposlenih.

h) građevine ili prostori u čijim se pogonima proizvode, prerađuju i uskladištavaju zapaljive vlaknaste tvari, a imaju više od 300 do 600 zaposlenih.

i) javne i poslovne građevine koje imaju prostorije za okupljanje više od 1000 lica.

j) prostori s zaštićenom i visokokvalitetnom šumom (nacionalni parkovi i sl.) u mediteranskom i submediteranskom području s površinom od 800 do 5.000 ha.

k) tuneli za javni cestovni promet čija je dužina veća od 3.000 m ili čija ukupna dužina prelazi 4.000 m na dužini od 20 km saobraćajnice.

f) U II B kategoriju razvrstavaju se:

a) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 40 stepeni C ili upaljivi gasovi, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu od 5 do 20 t/d,

2) imaju od 50 do 100 zaposlenih.

b) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 65 stepeni C a iznad 40 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu od 10 do 40 t/d,

2) imaju od 100 do 500 zaposlenih.

c) građevine ili prostori u kojima se proizvode, prerađuju i uskladištavaju zapaljive tečnosti s plamištem ispod 100 stepeni C a iznad 65 stepeni C, koji ispunjavaju najmanje dva od slijedećih uslova:

1) imaju instalirane kapacitete za proizvodnju ili preradu od 40 do 70 t/d,

2) imaju od 300 do 600 zaposlenih.

e) građevine u čijim se pogonima proizvode, prerađuju ili koriste tvari sklone samozapaljenju a imaju od 150 do 300 zaposlenih.

f) građevine ili prostori u kojima se prerađuju ili obrađuju krute zapaljive tvari a u radu se koriste zapaljive tečnosti s plamištem ispod 65 stepeni C a imaju od 100 do 300 zaposlenih.

g) javne i poslovne građevine koje imaju prostorije za okupljanje od 500 do 1000 zaposlenih.

h) prostori s zaštićenom i visokokvalitetnom šumom (nacionalni parkovi i sl.) u mediteranskom i submediteranskom području s površinom do 800 ha.

i) tuneli za javni cestovni saobraćaj čija je dužina veća od 1.000 m a manja od 3.000 m ili čija je ukupna dužina veća od 2.000 m a manja od 4.000 m na dužini saobraćajnice od 20 km .

g) U III kategoriju razvrstavaju se građevine:

a) u kojima se proizvode, prerađuju, uskladištavaju ili koriste zapaljive tečnosti s plamištem od 200 stepeni C do 300 stepeni C;

b) u čijim se pogonima prerađuju krute zapaljive tvari a u radu se ne koriste zapaljive tečnosti s

plamištem ispod 65 stepeni C;

c) u kojima se proizvode ili prerađuju tvari u zagrijanom, razmekšanom ili otopljenom stanju (pogoni za taljenje, lijevanje i preradu metala);

d) javne ili poslovne namjene koje imaju prostorije u kojima se okuplja od 300 do 500 lica.

h) U IV kategoriju razvrstavaju se građevine:

a) u čijim se pogonima radi s negorivim tvarima i hladnim mokrim materijalom;

b) u čijim se pogonima proizvode negorivi gasovi;

c) čiji su pogoni s mokrom tehnologijom;

d) s pogonima za dobivanje i hladnu obradu minerala, azbesta, soli i za preradu ribe, mesa i mliječnih proizvoda;

e) lavne i poslovne namjene koje imaju prostorije u kojima se okuplja od 10 do 300 lica.

Član 6.

(Posebni kriteriji kategorizacije građevina i prostora)

(1) Građevine i prostori čiji se instalirani kapaciteti za proizvodnju ili preradu odnosno kapaciteti nadzemnih spremnika ili građevina i broj zaposlenih, prema brojčanim pokazateljima iz člana 5. ovog Pravilnika, mogu razvrstati u tri različite kategorije, razvrstat će se u srednju od tri moguće kategorije.

(2) Građevine i prostori koji se prema članu 5. ovog Pravilnika razvrstavaju na osnovu dva predviđena kriterija, a mogu se prema brojčanim pokazateljima, razvrstati u različite kategorije, razvrstat će se u višu od mogućih kategorija.

(3) Građevine i prostori koji se ne mogu, s obzirom na male količine zapaljivih tvari, instaliranih kapaciteta i kapaciteta nadzemnih spremnika ili građevina i broja zaposlenih, kategorizirati na način određen članom 5. i 6. stav 1. i 2. ovog Pravilnika, razvrstat će se u IV. kategoriju.

Član 7.

(Broj vatrogasaca)

(1) Broj vatrogasaca u vatrogasnoj jedinici za građevine i prostore razvrstane u skladu sa člankom 5. i 6. ovoga Pravilnika i zaposlenika za obavljanje unutrašnje kontrole nad provedbom mjera zaštite od požara, mora po kategorijama biti slijedeći:

a) u I-A kategoriji - 20 profesionalnih vatrogasaca ili 16 profesionalnih vatrogasaca i 20 zaposlenika stručno osposobljenih za dobrovoljnog vatrogasca te službu za zaštitu od požara za obavljanje preventivnih poslova zaštite od požara.

b) u I-B kategoriji - 24 profesionalna vatrogasca ili 20 profesionalnih vatrogasaca i 18 zaposlenika stručno osposobljenih za dobrovoljnog vatrogasca te službu za zaštitu od požara za obavljanje preventivnih poslova zaštite od požara.

c) u I-C kategoriji - 16 profesionalnih vatrogasaca ili 12 profesionalnih vatrogasaca i 14 zaposlenika stručno osposobljenih za dobrovoljnog vatrogasca te službu za zaštitu od požara za obavljanje preventivnih poslova zaštite od požara.

d) u I-D kategoriji - 12 profesionalnih vatrogasaca ili 8 profesionalnih vatrogasaca i 10 zaposlenika stručno osposobljenih za dobrovoljnog vatrogasca te službu za zaštitu od požara za obavljanje preventivnih poslova zaštite od požara.

e) u II- A kategoriji - vatrogasno dežurstvo s 2 profesionalna vatrogasca u smjeni ili 1 profesionalnog vatrogasca i 4 zaposlenika stručno osposobljena za dobrovoljnog vatrogasca u smjeni te najmanje 1 zaposlenik odgovoran za obavljanje preventivnih poslova zaštite od požara.

f) u II-B kategoriji - vatrogasno dežurstvo s 2 profesionalna vatrogasca u smjeni ili 1 profesionalni vatrogasc i 2 zaposlenika stručno osposobljena za dobrovoljnog vatrogasca u smjeni te najmanje 1 zaposlenik odgovoran za obavljanje preventivnih poslova zaštite od požara.

g) u III. i IV. kategoriji - najmanje 1 zaposlenik raspoređen na radno mjesto odgovorne osobe za obavljanje poslova zaštite od požara.

(2) Iznimno, broj vatrogasaca iz ovog člana može biti manji ako je vlasnik odnosno korisnik građevine i prostora poduzeo dodatne tehničke mjere zaštite od požara (stabilni sistemi za dojavu i gašenje požara). U ovom slučaju broj potrebnih vatrogasaca određivat će se na osnovu u svijetu priznatih metoda za izradu procjene ugroženosti od požara, koju je dužan izraditi vlasnik odnosno korisnik građevine i prostora.

Član 8.

(Prestanak važenja rješenja o kategorizaciji objekata i prostora)

Kada se promijene uslovi na osnovu kojih je izvršena procjena ugroženosti i razvrstavanje u kategorije ugroženosti od požara, vlasnici odnosno korisnici građevina i prostora obavezni su o tome obavijestiti nadležnog inspektora za zaštitu od požara.

Član 9.

(Prestanak važenja ranijih propisa)

Stupanjem na snagu ovog Pravilnika na području Hercegovačko-neretvanskog kantona, prestaju važiti svi propisi koji su regulisali ovu oblast.

Član 10.

(Stupanje na snagu)

Ovaj Pravilnik stupa na snagu osmoga dana od dana objave u "Službenim novinama HNK".

Bosna i Hercegovina
Federacija Bosne i Hercegovine
HERCEGOVAČKO-NERATVANSKI KANTON
MINISTARSTVO UNUTRAŠNJIH POSLOVA

Broj:02-01/1-25-94-679/08

Mostar, 19.12.2008.

MINISTAR

Zoran Krešić, dipl.politolog, s.r.

503

Na osnovu člana 9. stav 2. Zakona o zaštiti od požara ("Službene novine HNK" br.5/04.) ministar unutrašnjih poslova Hercegovačko-neretvanskog kantona, d o n o s i:

PRAVILNIK
O SADRŽAJU OPĆEG AKTA IZ PODRUČJA
ZAŠTITE OD POŽARA

Član 1.

(Predmet)

Ovim Pravilnikom propisuje se sadržaj općeg akta iz područja zaštite od požara za pravna lica, stručne službe, organe državne vlasti, organe državne uprave, organe jedinica lokalne samouprave, uprave i upravne organe jedinica lokalne samouprave i uprave (u daljem tekstu: pravna lica i stručne službe) čije su građevine, građevinski dijelovi i prostori razvrstani u kategorije ugroženosti od požara, u skladu sa Zakonom o zaštiti od požara.

Član 2.

(Prilog općem aktu iz područja zaštite od požara)

Prilog općem aktu iz člana 1. ovog Pravilnika, u pravnim licima i stručnim službama čije su građevine, građevinski dijelovi i prostori razvrstani u prvu i drugu kategoriju ugroženosti od požara su: Procjena ugroženosti od požara; Rješenje o razvrstavanju u kategoriju ugroženosti od požara i Plan zaštite od požara, te drugi provedbeni planovi za mjere zaštite od požara.

Član 3.

(Sadržaj općeg akta iz područja zaštite od požara za prvu i drugu kategoriju ugroženosti od požara)

Pravna lica i stručne službe čije su građevine, građevinski dijelovi i prostori razvrstani u prvu i drugu kategoriju ugroženosti od požara, općim aktom utvrđuju:

a) temeljne odredbe u vezi provođenja i unapređivanja zaštite od požara;

b) organizaciju i način rada vatrogasne jedinice i službe za zaštitu od požara;

c) organizaciju motrenja, javljanja i uzbunjivanja o opasnostima od požara;

d) organizaciju i način obavljanja unutrašnje kontrole nad provođenjem mjera zaštite od požara te ovlaštenja i dužnosti zaposlenika koji obavljaju tu kontrolu;

e) način upoznavanja zaposlenika prilikom stupanja na rad ili rasporeda s jednog radnog mjesta na drugo o opasnostima od požara na tom radnom mjestu kao i način obuke zaposlenika nad provođenjem mjera zaštite od požara i rukovanja opremom i sredstvima za gašenje i dojavu požara, te vođenja evidencije o istom;

f) službe i zaposlenike zadužene za održavanje u ispravnom stanju opreme i sredstava namijenjenih za dojavu i gašenje požara;

g) stručnu spremu zaposlenika odgovornih za poslove zaštite od požara;

h) zadaće zaposlenika koji imaju posebna ovlaštenja i odgovornosti nad provođenjem mjera zaštite od požara;

i) obaveze rukovodioca i drugih zaposlenika za provođenje mjera zaštite od požara i odgovornosti zbog nepridržavanja propisanih ili navedenih mjera zaštite od požara;

j) kretanje i ponašanje na prostorima ugroženim od požara ili eksplozije;

k) dužnosti zaposlenika u slučaju nastanka požara;

l) druge mjere zaštite od požara.

Član 4.

(Sadržaj općeg akta iz područja zaštite od požara za treću kategoriju ugroženosti od požara)

Pravna lica i stručne službe čije su građevine, građevinski dijelovi i prostori razvrstani u treću kategoriju ugroženosti od požara, općim aktom utvrđuju:

a) mjere zaštite od požara kojima se otklanja ili smanjuje opasnost od nastajanja požara;

b) organizaciju i način obavljanja unutrašnje kontrole nad provođenjem mjera zaštite od požara te, ovlaštenja i dužnosti zaposlenika koji obavljaju tu kontrolu;

c) način upoznavanja zaposlenika prilikom stupanja na rad ili rasporeda s jednog radnog mjesta na drugo o opasnostima od požara na tom radnom mjestu kao i način obuke zaposlenika nad provođenjem mjera zaštite od požara i rukovanja opremom i sredstvima za gašenje požara te vođenje evidencije o istom;

d) zaposlenike zadužene za održavanje u ispravnom stanju opreme i sredstava za dojavu i gašenje požara;

e) obaveze rukovodioca i drugih zaposlenika za provođenje mjera zaštite od požara i odgovornosti zbog nepridržavanja propisanih ili navedenih mjera zaštite od požara;

f) dužnosti zaposlenika u slučaju nastanka požara.

Član 5.

(Sadržaj općeg akta iz područja zaštite od požara za četvrtu kategoriju ugroženosti od požara)

Pravna lica i stručne službe čije su građevine, građevinski dijelovi i prostori razvrstani u četvrtu kategoriju ugroženosti od požara, općim aktom utvrđuju:

a) mjere zaštite od požara kojima se otklanja ili smanjuje opasnost od nastajanja požara;

b) način upoznavanja zaposlenika prilikom stupanja na rad ili rasporeda s jednog radnog mjesta na drugo o opasnostima od požara na tom radnom mjestu;

c) zaposlenike zadužene za održavanje u ispravnom stanju opreme i sredstava za dojavu i gašenje požara;

d) obaveze rukovodioca i drugih zaposlenika za provođenje mjera zaštite od požara i odgovornosti zbog nepridržavanja propisanih ili naređenih mjera zaštite od požara;

e) dužnosti zaposlenika u slučaju nastanka požara.

Član 6.

(Donošenje općeg akta iz područja zaštite od požara)

(1) Pravna lica i stručne službe čije su građevine, građevinski dijelovi i prostori razvrstani u prvu i drugu kategoriju ugroženosti od požara donose poseban opći akt iz člana 1. ovoga Pravilnika.

(2) Pravna lica i stručne službe čije su građevine, građevinski dijelovi i prostori razvrstani u treću i četvrtu kategoriju ugroženosti od požara mogu donijeti poseban opći akt iz člana 1. ovoga Pravilnika ili sadržaj propisan članom 3. i 4. ovoga Pravilnika regulisati u sklopu nekog drugog općeg akta.

Član 7.

(Primjena odredbi Pravilnika)

Pravna lica i stručne službe su dužni uskladiti svoje opće akte s ovim Pravilnikom u roku od šest mjeseci od dana njegovog stupanja na snagu.

Član 8.

(Prestanak važenja ranijih propisa)

Stupanjem na snagu ovog Pravilnika na području Hercegovačko-neretvanskog kantona, prestaju važiti svi propisi koji su regulisali ovu oblast.

Član 9.

(Stupanje na snagu)

Ovaj Pravilnik stupa na snagu osmog dana od dana objave u "Službenim novinama HNK".

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON
MINISTARSTVO UNUTRAŠNJIH POSLOVA

Broj:02-01/1-25-94-680/08

Mostar, 19.12.2008.

MINISTAR

Zoran Krešić, dipl. politolog, s.r.

504

Ministarstvo unutrašnjih poslova Hercegovačko-neretvanskog kantona, na temelju članka 16. Zakona o eksplozivnim materijama za privrednu upotrebu (« Službene novine HNK » br. 3/05), sastavlja

POPIS

EKSPLOZIVNIH MATERIJAMA KOJE SU ODOBRENE ZA STAVLJANJE U PROMET U HNK-A

Lovačka municija kalibar 12, 16 i 20

- 11E3225 32 Cart. RC 32 CACCIA 32 gr.
- 11A3D25 33 Cart. RC 3 DISPERSANTE 33 gr.
- 11A4OR25 35 Cart. RC 4 CACCIA ORO 35 gr.
- 11A4OR25 35 Cart. RC 4 CACIA ORO 35 gr.
- BUCK
- 11A3CA36 36 Cart. RC 3 CACCIA 36 gr.
- 11A3CA36 36 Cart. RC 3 CACCIA 36 gr.
- BUCK

- 11A4SPT 34 Cart. RC 4 SPECIAL
PALLETONI
- 11AT16 28 Cart. RC 16 Cal.16 28 gr.
- 11AT16 28 Cart. RC 16 Cal. 16 28 gr. BUCK
- 11ASIP203 25 Cart. SIPE Cal. 20 T3 25 gr.
- 11AT203SM 32 Cart. RC 20 SEMIMAGNUM
32 gr.
- 11AJK325 35 Cart. JK6 T3 35 gr.
- 11AJK325 35 Cart. K6 T3 35 gr. BUCK
- 11AJK5 36 Catr. JK6 T5 36 gr.
- 16ECL22425 24 Cart. RC 1 COMPETITION
LINE 24. gr.
- 10A324C25 24 Cart. RC 3 CHAMPION 24 gr.
- 10A424CE25 24 Cart.RC 4 CHAMPION
Excellence 24 gr.

Eksplozivne materije - lovačka municija, su odobrene za stavljanje u promet Rješenjem MUP-a HNK-a br. 02-01/1-04-117-172/08 od 03.12.2008. godine.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
MINISTARSTVO UNUTRAŠNJIH POSLOVA

Broj: 02-01/1-04-117-178/08
Mostar, 15.12.2008. god.

MINISTAR
Zoran Krešić, dipl. politolog,s.r.

505

Na osnovu člana 48. Zakona o policijskim službenicima HNK (Sl.novine HNK, broj 9/07) i člana 6. Pravilnika o sadržaju, načinu i rasporedu testiranja kandidata i sistemu bodovanja testova u procesu odabira policijskih službenika MUP-a HNK, policijski komesar donosi

RJEŠENJE O IMENOVANJU KOMISIJE ZA IZBOR

Član 1.

Imenuje se Komisija za izbor kandidata u procesu odabira policijskih službenika u Upravu policije MUP-a HNK.

Član 2.

U Komisiju za izbor imenuju se:

1. Senad Ibrulj – samostalni inspektor

2. Mario Zovko – samostalni inspektor
3. Subašić Mirsad – samostalni inspektor
4. Nenad Kljakić – kabinet ministra
5. Sanja Čuljak – sektor za administraciju

Član 3.

Komisija za izbor je nadležna za:

- a) oglašavanje upražnjenih radnih mjesta
- b) utvrđivanje sadržaja testa i sistema bodovanja uz suglasnost komesara,
- c) provođenje postupka testiranja,
- d) utvrđivanje liste kandidata koji su ispunili uslove za pristup testiranju,
- e) utvrđivanje konačnih rezultata za svakog kandidata, na osnovu bodova u svakom testu i ukupnog broja bodova za sve testove, te eliminiranje iz daljeg procesa testiranja,
- f) predlaganje kandidata koji imaju najveći broj bodova sa liste (ukupno) radi zapošljavanja, a u skladu sa brojem upražnjenih radnih mjesta

Član 5.

Komisijom predsjedava policijski službenik sa najvišim činom. Odluke Komisije za izbor donosi većinom glasova svih članova.

Član 5.

Komisija je dužna u roku od 15 dana od isteka roka za podnošenje prijave na javni oglas, utvrditi listu kandidata koji ispunjavaju uslove.

Za preostale kandidate zapisnički će konstatovati razloge eliminacije i obavijestiti kandidate.

Član 6.

Predsjedavajućem i članovima Komisije pripada pravo na naknade.

O visini naknade odlučuje ministar, na prijedlog policijskog komesara.

Član 7.

Ovo rješenje stupa na snagu danom donošenja, a bit će objavljeno u „Službenim novinama HNK“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
Ministarstvo unutrašnjih poslova

Broj: 02-02-04-874/08
Dana, 03.10.2008.godine

V.D. POLICIJSKI KOMESAR
Himzo Đonko,s.r.